



COMUNICADO DI PRENSA

Aruba ta hala un 'ROSEA NOBO' den ARTE!

E proyecto ENTRE BIENALES lo trese e ultimo desaroyonan den arte contemporaneo den Caribe.

Fundacion 'INSIGHT for the Arts Aruba' y 'Centro Wifredo Lam' di La Habana, Cuba, ta extende un invitacion general pa atende un lectura di Lic. José Manuel Noceda Fernández titula "ENTRE BIENALES", cu lo trata e tema di arte contemporaneo.

Fundacion 'INSIGHT for the Arts Aruba' ta extende un invitacion na publico general, amantenan di arte, coleccionista, artista, y estudiante pa bin disfruta di e lectura titula 'ENTRE BIENALES', di Lic. José Manuel Noceda Fernández. Sr. Noceda ta sub-director di Centro Wilfredo Lam, e centro di arte mas importante na Cuba.

E lectura lo tuma lugar diarazon 16 di februari proximo, pa 8'or di anochi na Cas di Cultura, y entrada lo ta gratis.

E lectura 'Entre Bienales' ta pertenece na e parti informativo/educativo di dos proyecto di exposicion na Aruba:

- 'ROSEA NOBO', un exposicion colectivo grandi cu lo inaugura diabierna 18 di februari proximo den cuater localidad den Oranjestad.

- 'PROME TRIENAL di ARTE di ARUBA, un exposicion colectivo internacional cu lo ripiti cada tres aña y cu lo inaugura na november di e aña aki.

E historiador y critico di arte, Lic. José Manuel Noceda Fernández, lo bishita Aruba pa trece lo ultimo tocante desaroyonan nobo y actual di arte contemporaneo den e area di Caribe.

Tambe sr. Noceda lo ta envolvi den e posibel seleccion di arte di Aruba pa participa na e proximo Bienal di Arte di La Habana na Cuba.

Relaciona cu esaki, Fundacion 'INSIGHT for the Arts Aruba' ta invita oficialmente tur artista visual interesa, pa por favor entrega un CV of portfolio digital, of informacion adicional (hard copy) riba formato A4, na e direccion di e fundacion menciona aki bou.

**E proyecto aki ta posibel cu apoyo financiero di
Ministerio di Cultura Aruba y Prins Bernhard Cultuurfonds Antillen en Aruba.**

Pa mas informacion tuma contacto cu:

Sra. Alida R. Martinez Soto

Artista- Contemporaneo, Gestora Cultural.
Directora Fundacion INSIGHT for the Arts Aruba
Productora General Rosea Nobo
Productora General Proyecto ENTRE BIENALES.
Co/Curador Prome Trienal di Aruba.
Paradera Park 215
297/ 7341400
insightfoundation@gmail.com
www.alidamartinez.aw

Aruba, 11/02/2011.